

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2021/519**

2021/EES/71/11

frá 24. mars 2021

**um breytingu á framkvæmdarreglugerð (ESB) 2015/1375 að því er varðar prófanir vegna tríkínu í
hófdýrum og undanþágu Breska konungsríkisins frá því að prófa alisvín vegna tríkínu (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) ⁽¹⁾, einkum a-lið fyrstu undirgreinar 8. mgr. 18. gr.,

og að teknu tilliti til eftirfarandi:

- 1) Í reglugerð (ESB) 2017/625 er mælt fyrir um reglur um framkvæmd opinbers eftirlits og um aðgerðir sem lögbær yfirvöld eiga að grípa til í tengslum við framleiðslu á afurðum úr dýraríkinu sem eru ætlaðar til mannelis.
- 2) Tríkína er sníkill sem getur verið fyrir hendi í kjöti af smitnæmum tegundum, s.s. svínnum og hestum, og veldur matarbornum sjúkdómum í mönnum þegar sýkts kjöts er neytt. Í framkvæmdarreglugerð framkvæmdastjórnarinnar (ESB) 2015/1375 ⁽²⁾ er mælt fyrir um sértækar reglur um opinbert eftirlit með tríkínu í kjöti, þ.m.t. skilyrði fyrir undanþágu frá tríkínuprófun við innflutning kjöts af alisvínnum inn í Sambandið.
- 3) Hinn 6. júní 2013 samþykkti Matvælaöryggisstofnun Evrópu vísindalegt álit um hættu fyrir heilbrigði manna sem skoðun á kjöti (staktæð hófdýr) á að taka til ⁽³⁾. Í því áliti er mælt með að eftirlit með tríkínu í öllum staktæðum hófdýrum (ekki einungis í hestum heldur líka ösnum og múldýrum) sé í miklum forgangi. Í framkvæmdarreglugerð framkvæmdastjórnarinnar (ESB) 2019/627 ⁽⁴⁾ er því mælt fyrir um að prófun fyrir tríkínu í skrokkum allra staktæðra hófdýra sé skyldubundin. Í framkvæmdarreglugerð (ESB) 2015/1375 er mælt fyrir um skyldubundna prófun á hestum og öðrum smitnæmum tegundum. Til að gæta samræmis og komast hjá allri tvíræðni ætti í framkvæmdarreglugerð (ESB) 2015/1375 einnig að vísa til staktæðra hófdýra í stað hesta.
- 4) Með reglugerð framkvæmdastjórnarinnar (ESB) nr. 206/2010 ⁽⁵⁾ er leyft að flytja kjöt af alisvínnum frá Breska konungsríkinu inn í Sambandið. Í þeirri reglugerð er Breska konungsríkið tilgreint sem ríki sem beitir undanþágu frá tríkínuprófunum á skrokkum og kjöti af alisvínnum, sem eru enn á spena og yngri en 5 vikna gömul, í samræmi við 2. mgr. 3. gr. framkvæmdarreglugerðar (ESB) 2015/1375.

(*) Þessi ESB-gerð birtist í Stjtið. ESB L 104, 25.3.2021, bls. 36. Hennar var getið í ákvörðun sameiginlegu EES-nefndarinnar nr. 233/2021 frá 24. September 2021 um breytingu á I. viðauka (Heilbrigði dýra og plantna) við EES-samninginn (bíður birtingar).

(1) Stjtið. ESB L 95, 7.4.2017, bls. 1.

(2) Framkvæmdarreglugerð framkvæmdastjórnarinnar (ESB) 2015/1375 frá 10. ágúst 2015 um sértækar reglur um opinbert eftirlit með tríkínu í kjöti (Stjtið. ESB L 212, 11.8.2015, bls. 7).

(3) *Tíðindi Matvælaöryggisstofnunar Evrópu* 2013 11(6), 3263.

(4) Framkvæmdarreglugerð framkvæmdastjórnarinnar (ESB) 2019/627 frá 15. mars 2019 um samræmt, hagnýtt fyrirkomulag við framkvæmd opinbers eftirlits með afurðum úr dýraríkinu, sem eru ætlaðar til mannelis, í samræmi við reglugerð Evrópuþingsins og ráðsins (ESB) 2017/625 og um breytingu á reglugerð framkvæmdastjórnarinnar (EB) nr. 2074/2005 að því er varðar opinbert eftirlit (Stjtið. ESB L 131, 17.5.2019, bls. 51).

(5) Reglugerð framkvæmdastjórnarinnar (ESB) nr. 206/2010 frá 12. mars 2010 um skrár yfir þriðju lönd, yfirráðasvæði eða hluta þeirra, þaðan sem leyfður er aðflutningur á tilteknum dýrum og nýju kjöti til Evrópusambandsins, og um kröfur varðandi heilbrigðisvottorð fyrir dýr og dýraafurðir (Stjtið. ESB L 73, 20.3.2010, bls. 1).

- 5) Framseld reglugerð framkvæmdastjórnarinnar (ESB) 2020/692 ⁽⁶⁾ fellir reglugerð (ESB) nr. 206/2010 úr gildi frá og með 21. apríl 2021. Í ljósi þeirrar niðurfellingar er VII. viðauka bætt við framkvæmdarreglugerð (ESB) 2015/1375 með framkvæmdarreglugerð framkvæmdastjórnarinnar (ESB) 2020/1478 ⁽⁷⁾ frá og með 21. apríl 2021 þar sem þau þriðju lönd eru skráð sem beita undanþágu frá tríkínuprófun sem um getur í 2. mgr. 13. gr. framkvæmdarreglugerðar (ESB) 2015/1375.
- 6) Hinn 12. janúar 2021 lagði Breska konungsríkið fram upplýsingar um að söguleg gögn um samfelldar prófanir, sem hafa farið fram á slátruðum alisvíninum, veiti a.m.k. 95% öryggi um það að algengi tríkínu fari ekki yfir 1 á hverja milljón í þeim stofni í samræmi við b-lið 3. mgr. 3. gr. framkvæmdarreglugerðar (ESB) 2015/1375. Enn fremur upplýsti Breska konungsríkið framkvæmdastjórnina um þá fyrirætlan sína að beita undanþágu frá tríkínuprófun á skrokkum og kjöti af alisvíninum ef dýrin koma frá búi sem opinberlega er viðurkennt að beiti hýsingu við stýrð skilyrði í samræmi við IV. viðauka við þá framkvæmdarreglugerð.
- 7) Af þeim sökum ætti að skrá Breska konungsríkið í VII. viðauka við framkvæmdarreglugerð (ESB) 2015/1375, með fyrirvara um beitingu laga Sambandsins um og innan Breska konungsríkisins að því er varðar Norður-Írland, í samræmi við 4. mgr. 5. gr. bókunarinnar um Írland/Norður-Írland við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu, í tengslum við 2. viðauka við þá bókun.
- 8) Breyta ætti VII. viðauka við framkvæmdarreglugerð (ESB) 2015/1375 í því skyni að endurspeglar beitingu Breska konungsríkisins á undanþágunum sem kveðið er á um í 2. og 3. mgr. 3. gr. þeirrar framkvæmdarreglugerðar.
- 9) Því ætti að breyta framkvæmdarreglugerð (ESB) 2015/1375 til samræmis við það.
- 10) Þar eð reglugerð (ESB) nr. 206/2010 er felld úr gildi frá og með 21. apríl 2021 og VII. viðauka er bætt við framkvæmdarreglugerð (ESB) 2015/1375 með framkvæmdarreglugerð (ESB) 2020/1478 frá og með þeim degi ætti skráning Breska konungsríkisins í þann viðauka að koma til framkvæmda frá og með sama degi.
- 11) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Framkvæmdarreglugerð (ESB) 2015/1375 er breytt sem hér segir:

- 1) Ákvæðum 2. gr. er breytt sem hér segir:
 - a) Í stað fyrstu undirgreinar 2. mgr. kemur eftirfarandi:

Taka skal sýni kerfisbundið úr skrokkum staktæðra hófdýra, villisvína og annarra dýrategunda, alinna og villtra, sem eru næmar fyrir tríkínusmiti, í slátruhúsum eða starfsstöðvum sem meðhöndla veiðidýr, sem hluta af skoðun eftir slátrun.“

- b) Í stað 3. liðar kemur eftirfarandi:

„3. Þar til niðurstöður liggja fyrir úr tríkínurannsókninni og að því tilskildu að stjórnandi matvælafyrirtækisins ábyrgist fullan rekjanleika er heimilt að stykkja skrokka af alisvíninum og staktæðum hófdýrum í sex hluta hið mesta í slátruhúsi eða stykkjunarstöð sem er á sama athafnasvæði.“

⁽⁶⁾ Framseld reglugerð framkvæmdastjórnarinnar (ESB) 2020/692 frá 30. janúar 2020 um viðbætur við reglugerð Evrópuþingsins og ráðsins (ESB) 2016/429 að því er varðar reglur um komu sendinga af tilteknum dýrum, kímefni og afurðum úr dýraríkinu inn í Sambandið og um tilflutning þeirra og meðhöndlun eftir komu (Stjtið. ESB L 174, 3.6.2020, bls. 379).

⁽⁷⁾ Framkvæmdarreglugerð framkvæmdastjórnarinnar (ESB) 2020/1478 frá 14. október 2020 um breytingu á framkvæmdarreglugerð (ESB) 2015/1375 að því er varðar sýnatöku, tilvísunargreiningaraðferð og innflutningsskilyrði í tengslum við eftirlit með tríkínu (Stjtið. ESB L 338, 15.10.2020, bls. 7).

2) Í stað inngangsorðanna og a- og b-liðar í III. viðauka kemur eftirfarandi:

Rannsaka skal kjöt af staktæðum hófdýrum, kjöt af villtum veiðidýrum og annað kjöt, sem kann að innihalda tríkínusníkla, í samræmi við eina af þeim meltingaraðferðum, sem tilgreindar eru í I. eða II. kafla I. viðauka, með eftirfarandi breytingum:

- a) Taka skal sýni, sem veга a.m.k. 10 g, úr tungu- eða kjálkavöðva staktæðra hófdýra og úr framfæti, tungu eða þind villisvína.
- b) Þegar um staktæð hófdýr er að ræða skal taka stærra sýni úr meginvöðva þindarinnar þar sem hann tengist sinarhlutanum ef fyrrgreindir vöðvar eru ekki fyrir hendi. Vöðvinn skal vera laus við bandvef og fitu“.

3) Í stað b-liðar II. kafla í IV. viðauka kemur eftirfarandi:

„b) Fjöldi prófana og niðurstöður úr prófunum vegna tríkínu í alisvínum, villisvínum, staktæðum hófdýrum, villtum dýrum og öllum öðrum smitnæmum dýrum skulu lögð fram í samræmi við IV. viðauka við tilskipun 2003/99/EB. Í gögnum um alisvín skulu a.m.k. koma fram sérstakar upplýsingar í tengslum við:

- i. prófanir á dýrum sem eru alin í hýsingu við stýrð skilyrði,
- ii. prófanir á gyltum til undaneldis, göltum og eldissvínum.“

4) Í stað VII. viðauka komi eftirfarandi:

„VII. VIÐAUKI

Þriðju lönd eða svæði þeirra sem beita undanþágunum sem um getur í 2. mgr. 13. gr.

ISO-kóði lands	Þriðja land eða svæði þess	Athugasemdir
GB	Breska konungsríkið (*)	Beiting undanþáganna sem kveðið er á um í 2. og 3. mgr. 3. gr.

(*) Í samræmi við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu, einkum 4. mgr. 5. gr. bókunarinnar um Írland/Norður-Írland í tengslum við 2. viðauka við þá bókun, taka vísanir til Breska konungsríkisins, að því er þennan viðauka varðar, ekki til Norður-Írlands.“

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Ákvæði 4. mgr. 1. gr. koma til framkvæmda frá og með 21. apríl 2021.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 24. mars 2021.

Fyrir hönd framkvæmdastjórnarinnar,

Ursula VON DER LEYEN

forseti.